

Til Fagleg samarbeidsutval

Frå: Marta Strandos og Greta Gard Endal

Sak: 35/23 Fagnettverk innan eldremedisin/eldreomsorg

Bakgrunn

Samarbeidsavtalen om Fagnettverket innan eldremedisin/eldreomsorg vart vedtatt i koordineringsrådet i september 2014, med oppstart i 2015. Utviklingsenter for sjukeheim og heimetenester (USHT) og Regionalt senter for eldremedisin og samhandling (SESAM) har samanfallande oppdrag i å tilby fagnettverk. Saman gjorde vi kartleggingsbesøk i kommunane i 2013, og la fram resultat og anbefalingar til fag- og koordineringsråd. Det var eit val å gå for eit generelt fagnettverk i staden for fleire diagnosespesifikke nettverk.

Føremålet med nettverket:

- Vidareutvikle trygge, samordna og tverrfaglege helsetenester
- Fremje deling av beste kunnskap mellom kommune- og spesialisthelsetenesta
- Styrke engasjementet for arbeid med eldre
- Sikre samordning av ressursbruk knytt til fagutvikling

Deltakarar: Faste ressurspersonar i kommunane og spesialisthelsetenesta (eigen avtale), og andre tilsette og leiarar ut frå tema og tenestene sine behov.

Organisering: USHT og SESAM har ansvar for den daglege drifta av nettverket.

- Styringsgruppe med representantar frå samarbeidande fagmiljø/organisasjonar og brukar utval (til saman 14)
- Driftsgruppe med representantar frå kommunane, Helse Førde, USHT og SESAM.

Bakgrunn og status

Avtalen vart underskriven av alle kommunane og fire avdelingar i Helse Førde. Det har vore ei utfordring å få inn faste ressurspersonar frå kommunane. Ordnингa med ressurspersonar vart evaluert i 2018-2019. Styringsgruppa og koordineringsrådet støtta forslaget om å halde fram både med ressurspersonar og opne fagdagar der andre tilsette deltek.

Det har vore to fagdagar i året, med eit snitt på 60-70 deltakarar. På grunn av pandemien har vi sidan 2020 hatt digitale fagdagar.

Tema for fagdagane har vore gjennomgåande over to års-periodar. Det legg til rette for tid og kontinuitet i forbettingsprosessar, og ha fokus på pasientforløp og samhandling. Tema: Legemiddelhandtering, ernæring, akutt funksjonssvikt (alle frå pasienttryggleiksprogrammet), demens (2019-2021) og no observasjonskompetanse (2021-2023). Tema blir vurdert ut frå kjennskap til behov i tenestene, lokale og nasjonale satsingar. Leve heile livet –reforma har vore ein del av programma sidan 2019.

Behov for endringar

Vår vurdering etter ni års drift er at fagnettverket har god oppslutnad, skapar engasjement og har tilpassa seg lokale behov og nasjonale føringer. Vi har funne eit aktivitetsnivå som er hensiktsmessig både med tanke på bruk av personalressursar til drift og kostnader på fagdagane.

Kommunane og Helse Førde er etter kvart kjende med fagnettverket, og nettverket er ein integrert del av samarbeidet rundt pasienttryggleik, kvalitetsforbetring og samhandling. Strukturen med styringsgruppe og driftsgruppe har vore viktig for forankring og involvering, men er ei «tung» organiseringsform når nettverket har funne si form og er i drift. Avtaleutvalet har vurdert at det ikkje lengre er behov for ein delavtale som regulerer partnarane og drifta av nettverket, men at denne bør erstattast av eit mandat tilpassa dagens situasjon. Mandatet vil omtale føremål, målgruppe, innhald/metode, organisering, ansvarsfordeling og vil syte føre at nettverket vert ein del av drift framfor prosjektstyrt.

Plan for vidare organisering

USHT og SESAM er ansvarlege for drift av fagnettverket og leie driftsgruppa.

Driftsgruppe: Tre representantar frå kommunane (utpeika av Helse- og omsorgsutvalet) og tre frå relevante avdelingar i Helse Førde

- Har møte ein gang i året, og elles ved behov.
- Utarbeide fagleg innhald i to-årsplan
- Bidra til å samordne fagdagar med andre aktivitetar i regionen så langt det er mogeleg
- Bidra med evaluering av fagnettverket og av driftsgruppa sitt arbeid kvart 2. år

Brukarrepresentasjon: USHT/SESAM deltek i møte med felles brukarutval ein gang i året med hovudvekt på dialog og medverknad rundt to-årsplan og evaluering. Brukarutvalet får invitasjon til fagdagane.

Referansegruppe: Samarbeidspartar blir involvert gjennom etablerte møtepunkt/fora, som brukarutval, HOU/KS, USHT Fag- og samarbeidsråd, Regionalt møte i SESAM, Regionalt støtteapparat Leve heile livet.

Styringsgruppe går ut. Driftsansvarlege orienterer fagleg samarbeidsutval om arbeidet ein gang i året og elles ved behov.

Tilråding

«Fagleg samarbeidsutval støttar at fagnettverket no vert overført frå prosjekt til drift, og godkjenner mandatet som føreligg for å sikre vidare drift i åra framover»

«Fagleg samarbeidsutval ber om at det vert gitt ei årleg orientering om arbeidet»

«Fagleg samarbeidsutval har innspel til faglege tema og plan for organisering»